

Tehe syytöksen

Eetninen tiskrimineerinki työmarkinoilla on rekleerattu "laissa (1999:130) toihmeenpanoista eetnistä tiskrimineerinkiä vasthaan työelämässä". Syytöksen eetnisestä tiskrimeerinkistä työelämässä saattaa jättää fakile eli DO:le. Jos ilmoituksenjättäjä kuuluu ammattiliithoon, niin DO häätyy kysyä jos fakki aikoo ottaa ylös asian. Jos fakki ei tehe sitä, niin DO saattaa tutkia syytöstä lähemin. Jokku asiat selvitethään sopimuksella eli telefoonipuhelulla DO:lta eli fakilta työnantajalle. Jos asiapuolet ei pääse sopimuksheen, niin asia saatethaan viimi käessä ratkasta Työoikeuessa.

Eetninen tiskrimineerinki, joka tapahtuu muuala ko työelämässä, oon rekleerattu laissa (1999:131) Ompytsmannista eetnistä tiskrimineerinkiä vasthaan ja rikoslain 16. luvussa 9§. Rikoksen nimi oon laitton tiskrimineerinki ja sitä saattaa kääntyä DO:n puohleen eli tehä syytöksen puliisille. DO ei itte saata käyttää puhevaltaa oikeuessa mutta ottaa mielelhään vasthaan kupiian syytösilmoituksesta, niin ette hään saattaa valvoa asian käsittelyä.

Niin DO tekkee ko asia tullee sisäle

Esimerkkiä lopetetuista asioista (Svenska)

Valinta kahen eri planketin välillä

Syytös työelämässä (Svenska)
Täytetyyn syytösilmoituksen häätyy kirjottaa ulos ja allekirjottaa ennen ko se lähätethään postin kautta eli faksila.

Pohjanen: Tulkaa tekki
+Siljyn

KAHEKSASTOISTA KAPITTELI

Kuas oon suuriin taihvaan valtakunnassa?

Siinä samassa opetuslapset tulit Jeesusken tykö ja sanoit:

- Kuas oon suuriin taihvaan valtakunnassa? Silloin se kuttu tykö pikkulapsen, pani sen niitten keskele ja sano:

- Toelaki mie sen teile sanon: Jos tet että muuta mieltä ja tule niinko pikkulapset, niin tet että koskhaan pääse taihvaan valtakunthaan.

- Se, joka oon nöyrä ko tämä pikkulapsi oon suuriin taihvaan valtakunnassa, ja se joka ottaa vasthaan yhen ainuan pikkulapsen minun nimessä se ottaa vasthaan minun.

- Mutta sille, joka viekottellee yhenkhään näistä pienistä, joka uskoo minhuun, olis parempi, ette sen kaulan ympäri laitettas myllynkivi ja sen viskattas meren syvvykshiin.

Viekottelut

- Voi mailmaa viekottelemisen takia! Viekottelut häätyvä tulla, mutta voi sitä ihmistä jonka kautta viekottelu tullee. Jos sinun kätesti elikkä jalkasti viekottellee sinua, niin hakkaa sen poikki ja viskaa sen menheen!

- Se oon parempi sulle mennä raajarikkona eli ontuvanna elähmään sisäle ko ette sulla oon kaks kättä ja kaks jalkaa tallessa ja sinun viskathaan ikusheen valkehaan.

- Jos sinun silmästi viekottellee sinua, niin revi sen ulos ja viskaa sen poijes! Se oon sulle parempi mennä silmäpuolena elähmään sisäle ko ette sulla oon kaks silmää tallessa ja sinun viskathaan palahvaan Jehenhaan.

Lapsitten enkelit

- Varokaa lastamasta kethään näistä pieniimistä! Mie sanon teile, ette niitten enkelit taihvaassa aina näkevä minun Isän kasuvel, sen joka oon taihvaassa.